



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

M5.00

MOELETSI OA BASOTHO

PARARE DOMINO PLEBEM PERFECTAM



Lesotho le itlhoekise


2

Lesotho le emetsoe
machabeng

11



MEKHATLO E BUBURA LITSIANE

www.moeletsioabasotho.co.lsRe se re fumaneha ho
marangrangEmail: newsroom@moeletsioabasotho.co.ls
Tel: +266 28350466/ Whats app: 62600983

MOELETSI

Tšoarelano le poelano

Lesotho le itlhoekise

Nthabeleng Seitlheko

Moetapele oa Mokha oa Sechaba sa Basotho, Machesetso Mofomobe, o ipilelitse ho baetapele bohle ba mekha ea lipolotiki hore ba kopane letšolong la naha, leo a reng le reretsoe ho hanyetsa tšoarano ea Basotho ba e fu-

sotho ba hleketsoa Afrika Boroa, athe linaha tse ling tsa Afrika li se li bontšitse lenyatso.

O boetse a bolela hore o rerile ho isa Lekhotleng la Molao oa Motheo taba ea litho tsa Paramente le Matona bao ba reng ba tšoare litokomane tsa Afrika Boroa. O qotsitse karolo ea 59(1) ea Molao oa Motheo e reng motho ea tšepisitseng botšephehi naheng e 'ngoe

arabetse ka ho re ke moahi oa Lesotho, 'me haeba ho na le molao oo a o tlotseng, taba eo e lokela ho isoa makhotleng.

Mofomobe o boetse a sisinya hore Lesotho le nahane ka ho emisa phephelo ea metsi a eang Afrika Boroa ka Morero oa Metsi a Lihlabana (LHWP), e le mokhoa oa ho bontša naha eo hore e sireletse Basotho.

H'a phethela o itse Maafri-



manang Afrika Boroa le ho batla hore Maafrika Boroa a sebitsang Lesotho ntle le litokomane tse nepahetseng a tsamaee.

Mofomobe o buile sena 'mokeng oa bo-ralitaba, ka la 8 Phupu monongoaha, moo a neng a tsamaea le Moetapele oa Mokha oa YES, Molefi Ntšonyane, eo e bileng moetapele oa pele oa lipolotiki ho tšehetsa letšolo leo.

O re mohoanto oo o tla etsoa ka khotso 'me sepheo sa oona ke ho romela molaetsa o matla ho 'muso le baahi ba Afrika Boroa, mabapi le litlhaselo tsa lehloeo khahlanong le melata le ho lelekoa ha Basotho naheng eo.

Mofomobe o re haeba 'Muso oa Lesotho o ka hana ho fana ka tumello ea mohoanto, BNP e tla isa taba eo Lekhotleng la Molao oa Motheo, hobane ho ea ka eena, baahi ba na le tokelo ea ho bokana le ho hlahisa maikutlo a bona ka khotso.

O boetse a re o fumane litlaleho tsa hore Basotho ba babeli ba ile ba thunngoa Cape Town, Afrika Boroa. A re sena se bontša hore boemo boo Basotho ba tobaneng le bona bo ntse bo mpefala. O nyatsitse 'Muso oa Lesotho ka seo a reng ke ho khutsa ha oona ha Ba-

h'a tšoanele ho ba Setho sa Paramente kapa Senate.

Mofomobe o boetse a qosa Tona-Kholo Samuel Ntsokoane Matekane ka hore o kile a etsa kopo ea pasa ea Afrika Boroa. A re o na le bopaki boo a tla bo hlahisa haeba taba eo a sa e lumele. Leha ho le joalo, 'Muelli oa 'Muso, Boitelo Rabele h'a fana ka maikutlo mabapi le litaba tsena.

O boetse a re o na le lenane la Litho tsa Paramente tse 18 tseo a reng li na le litokomane tsa Afrika Boroa. Har'a mabitso ao a a boletseng ho na le Mokhethi Shelile le Isaac Joseph Malebaleba. Malebaleba o

ka Boroa a mangata a sebitsa Lesotho ntle le mango-lo a tumello ea mosebetsi, athe Basotho bona ba hloka menyetla ea mosebetsi. O re 'muso o lokela ho netefatsa hore melao ea bojaki le ea basebetsi e sebelisoa ka toka ho bohle.

Moetapele oa Mokha oa YES Molefi Ntšonyane, o khothalelitse hore litaba tsohle li rarolloe ka khotso, ka lipuisano le ka tšebeliso ea makhotla, kaha ke ona motheo oa puso ea sechaba ka sechaba le puso ea molao. A re o tšehetsa moetapele oa BNP ka khatoto eo a seng a e nkile ea ho hlahlella Basotho.



Ho thoe monna h'a bone habeli, etsoe ngoana cheleng o tšaba mollo. Mokhatlo oa batšoarua ba mehleng o tšoare ka thata ho kopanya batšoarua le malapa a bona esita le sechaba kakaretso.

CRROA e re bohle ba tsoang lichankaneng ba lakatsa ho fuoa monyetla oa bobeli hore ba tsebe ho aha bophelo ba bona bocha. Ba re e ka khona motšoarua a fuoe monyetla oa ho kopa tšoarelo sechabeng ka tsohle tseo a ba sitetsoeng ka tsona.

Mokhatlo o lokisa boitšoarano, poelano le kamohelo ho bona, e le hobane ba sokolohile kapa hona ho baka liketso tse mpe. Hangata ha ba fihla ka setsing, ba fuoa likeletso, ho shejoa boitšoarano ba bona 'me ebe bo'a lokisoa hore ba tle ba khutlele sechabeng e le baahi ea molemo.

E meng ea mesebetsi Setsi sa Tlhabollo ea Batšoarua, ke ho hlabolla le ho thibela hore batšoarua ba se hlole ba khutlele botlokotsebeng. Kaha ba fuoa lithuto tsa mahala ka nako eo, e le hore ha ba se ba qetile sekoebo sa bona, ba ee ho ea itšoarela ka matsoho. Ho lokisoa likeletso tsa bona e le hore ba tsebe ho inahana bocha, ba se khutlele hona mane seretseng.

Ruri ha motho a ikana a bile a kopa tšoarelo, a bontša tšabo ke hore a amoheloe ka khotso a tsebe ho phela le sechaba. Ha re laoleng khalefo ea rona hobane ka nako e 'ngoe e ka senya khotso ka malapeng le metseng, joale motho a iphumana a entse botlokotsebe.

Har'a litlolo tsa molao tse jeleng setsi kahar'a Naha ea Lesotho, ke thobalano ntle le tumellano, tšebeliso e mpe ea lithetefatsi le joala, lipeto le lipolao, tlekefetso ea maqheku le maqhekoana, bana le basali. Bohle batšoarua ba puo e 'ngoe ha ba le lipotsong, hore ba ile ba susumetsoa ke lithetefatsi. Ka hona taba ena e hloka hore e ke e hlahlojoe ka botebo. Re le batsoali kapa bahlokomeli re tlameha ho sireletsa bana ba rona ho se oele lemeneng lena.

Ofisi ea Monamoli ho bonahala e sebitsa ka thata, hobane ke mokena-lipakeng ea sa nkeng lahlakore lipakeng tsa sechaba le 'muso, ka sepheo sa rarolla liqabang ka tsela tse lokileng, ntle le hore batho ba qobelloa ho ea makhotleng.

Ho bonahala karolo ea sechaba sa Basotho e sa tsebe hantle mesebetsi ea paramente, kaha bongata bo sa utloisise ka botlalo. Ke rata taba ena ea Motsamaisi oa Lipuisano ka Ntlong ea Bakhethoa ba Sechaba, ea hore joale ke nako ea ho ruta sechaba ka mesebetsi ea paramente. O re mesebetsi ea paramente e meholo ke ho emela sechaba, ho etsa melao, le ho etsa boikarabello le tlhokomelo ea tšebeliso ea lichelete tsa sechaba.

Joale potso ke hore na ba feela ba etsa joalo bohle ba ka moo? Seboka sena sa Boetapele sa Naha le Boikarabello e se e ka se ka tliša liphethoho ho latela boitlamo bo entsoeng ke ba bang. Re leboha haele mona sechaba se ile sa fuoa monyetla oa ho botsa lipotso le ho fumana litlhakisetsa. Atamela batho bao o ba eteletseng pele o tsebe ho utloa mabinebine a lipelo tsa bona, e le hore haeba o se o hlalathela ka thoko ho seporo o tsebe khutlela temeng.

Basotho ha re tloheleg ho supana ka menoana, kappa hona ho buoana hamper le ho sebana, hono ha hona ho re tsoela molemo oa letho. Ha re tsetselelang bonngoe, khotso, poelano le ho tšoarellana. Hore naha ena ea bo rona e tle e tsoelepele, ke tlameha hoba le Khotso, 'me ra ka ehlhela feela ha re tšoarane ka matsoho, etsoe kopano ke matla, letšoele le peta poho.

Taba ena ea Basotho ba ntseng ba lelekoa Arika Boroa e hloka feela linaha tsena tse peli li buisane ka khotso, etsoe ha ho ntho e ntle ho feta lipuisano. Linaha tsena ka bobeli li'a hlokana bophelong ba letsatsi le letsatsi.

MOLIMO A BOLOKE LESOTHO LE BASOTHO

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLING (LUKE 1:17)

EMAIL: editor@moeletsiobasotho.co.ls

sub-editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

Tšelisio Thakholi

Production Desk: 'Mateele Liqa

57 665 038/ 68 216 271

58 540 853/ 63 480 404

Monamoli o itlhoma pele

Nthabeleng Seithleko

Motlatsi oa Monamoli, 'Maretšepile Motanyane, o re e le karolo ea boikitlaetso ba ho sireletsa litokelo tsa baahi le ho khothaletsa puso e nang le boikarabello, ofisi ea habo e buella bohle ho se khethollo.

H'a bua letsatsing la ho qetela la Seboka sa Boetapele le Seboka sa Naha sa Boikarabello (LFNAS), ka la 3 Phupu monongoaha, Adv. Motanyane o itse Ofisi ea Monamoli ke setsi se ikemetseng se hlokanang leeme, se fuoeng boikarabello ba ho fuputsa litlitlebo tsa baahi khahlanong le mekhatlo ea sechaba le ho netefatsa tsamaiso e nepahetseng. O hlalositse hore litšebeliso tsa ofisi ena li fumaneha mahala ebile e sebetsa ntle le khethollo, tšabo kapa leeme.

O itse Ofisi ea Monamoli e sebetsa e le mokena-lipakeng ea sa nkeng lehlakore pakeng tsa sechaba le litsi tsa 'muso, ka sepheo sa ho rarolla liqabang ka tsela e lokileng ntle le hore batho ba qobelloe ho ea makhotleng.

Motanyane o hlalositse hore ofisi ena ha e fuputse litaba tse amang Motlotlehi Letsie III kapa matona, kaha mosebetsi oa eona e se ho emela lehlakore lefe kapa lefe, empa ke ho thusa mahlakore ho fumana tharollo leeme.

O boetse a re ofisi e atolositse litšebeliso tsa eona ka ho bula liofisi tsa libaka tse ka leboea le boroa ho naha, ho nolofalletsa Basotho ho fumana thuso ntle le ho ea Maseru.

Ho sa le joalo, Motsamai-si oa Lipuisano Ntlong ea Bakhethoa Mohlomphehi Tlohang Sekhamane, o itse ho ntse ho hloka hore sechaba se rutoe haholoanyane ka mosebetsi oa paramente, kaha ba bangata ha ba e utloisise ka botlalo.

O hlalositse hore Paramente ea Lesotho e entsoe ka likarolo tse tharo e leng Motlotlehi, Senate le Seboka sa Naha, 'me mosebetsi e mengata e etsoa ka Likomiti tsa Paramente.

Sekhamane o itse mosebetsi e meholo ea paramente ke ho emela sechaba, ho etsa melao, le ho etsa boikarabello le tlhokomelo ea tšebeliso ea lichelete tsa sechaba.



O boetse a re boiteko bontse bo tsoela pele ba ho fa paramente boikemello litabeng tsa lichelete, kaha sena se tla thusa ho ntlafatsa tšebetso ea eona.

Seboka sa matsatsi a mararo sa Boetapele le Se-

boka sa Naha sa Boikarabello (LFNAS), se qalileng ka 1 Phupu, se phethetsoe ka 3 Phupu monongoaha ka ho fa sechaba monyetla oa ho buisana ka kotloloho le baetapele le litsi tsa sechaba.

Ho le joalo, Letona la lichelete le Ntšetsopele ea Meralo, Dr. Retšelisitsoe Matlanyane, tlalehong ea hae o hlalositse ha Ofisi ea Monamoli e fihlela 73% ea mosebetsi oa eona eleng ntlafalo e kholo.

Mosebetsi ona o tšehetsa lipehelo tsa Ntšetsopele ea Moshoelella tsa 16 (SDG 16): Khotso, Toka le Litsi tse Matla, se khothalletsang puso e nang le boikarabello, toka le litsi tse sebetsang hantle.

SUBSCRIBE & BUY ONLINE!

Monongoaha re batla re qatsohile haholo ho tsa marang-rang. Fumana libuka tsena ho marang-rang a Akello Library






Mazenod BOOK CENTRE
Prepare good People for The Lord

TIPS TO ACCESS

<https://library.akello.co/downloads>

Steps to Access our Books on Akello Online Library

1. **Visit Akello Library:** Go to (<https://www.akellolibrary.com/>) or download the app on the link provided above.
2. **Sign Up/Log In:** Register or log in with your account.
3. **Search:** Use the search bar to find "Mazenod Book Centre" or specific book titles.
4. **Select a Book:** Click on the desired book to view details.
5. **Borrow or Buy:** Borrow free books or purchase premium ones as needed.
6. **Read:** Access the book online or download it for offline reading.

For issues, contact Mazenod Book Centre

WhatsApp: (+266) 57396597

akello LIBRARY

FOR MORE INFORMATION

22 322 213 / 27 350 562

maserubookcentre@gmail.com / bookcentre@mazenodprinting.co.ls

MOELETSI O TŠEHETSA BACHA

Tšeliso Thakholi

Leha ho bonahala Naha ea Lesotho e itšetlehile holi-ma batseteli ba melata ho feta likhoebo tsa bana ba Basotho, ho na le bacha ba ikemiselitseng ho tsoelapele ho iphelisa ka ho iqalla likhoebo tse nyenyane. Ausi Rethabile Molahlehi ke e mong oa bacha ba iphelisang ka talenta eo Morena Molimo a mo fileng eona, ka ho theha likhoebo tse tharo tse ntseng li le nyenyane e leng Million Dollar Snack Bar, moo a reki-sang lijo tse lutlisang mathe ka monate, Retha's Fruits & Vegetabele le Lesela Clothing e hlahisang liaparo tsa boemo bo holimo.

LERATO LA KHOEBO

Hantle khoebo ha se ntho eo ke e etseng sekolong, empa ke talenta eo Morena Molimo a mphileng eona hore ke tle ke tsebe ho iphelisa le ho phelisa ba bang. Ka lehlohonolo le leholo ke holetse kahar'a khoebo ho fihlela hajoale. Ke hona moo tlhase ea lerato la khoebo e ileng ea qala hona teng. Hantle haesale ke le motho ea nang le lerato le tebileng la khoebo, ho tloha ha ke ntse ke le sekolong sa mathomo le se phahameng. Ka hona talenta ena ea ka kajeno ke rata e tsoele bacha ba bang molemo, ka hore ke hlahise mesebetsi e mengata ba tsebe ho sebet-sa.



MABAKA A HO QALA LIKHOEBO

Ha ke tla qala likhoebo tse-na ke ne ke ile ka hlokomela hore joale ke se ke le moho-lo, ke tlameha ho batla mekhoe ea ho iphelisa ka ho ithehela likhoebo tseo e leng tlhoko e kholo ho batho ba tikoloho eo ke phelang ho eona le mathoko. E 'ngoe e kholo e ntse e le mokhoa oa ho iketsetsa chelete, kaha e le eona e seng e sebelisoa haholo bophelong ba letsat-si ka leng.

QALEHO EA LIKHOEBO

Ha ke ntse ke etsa boithuto ba mofuta oa khoebo oo nka qalang ka oona, ke ile ka hlokomela hore likhoebo tsa lijo le litholoana ke tso-na tseo e leng tlhoko e kholo ea sechaba sa heso. Ka hona ka qala pele ka Million

Dollar Snack Bar, ea re ha ke bona ho eba le katleho, ka theha Retha's Fruits &



Vegetables. Lesela Clothing ke e thehile ngoahola ka khoeli ea Hlakola.

MOKHOA OA HO

LI TSAMAIISA

E re kaha tsamaiso ea khoebo motho ha o le mong ha se ntho e bonolo, ke na le basebetsi ba ikarabellang tšebetsong ea letsatsi le let-satsi khoebong ka 'ngoe. Ba lulang ba mpha litlaleho tsa tšebetso ka 'ngoe. Ke boe-tse kena le tsamaiso le mer-alo e hlakileng ea mosebet-si oa letsatsi ka leng. Litaba tsena li nthusa ho laola likhoebo tsohle ka katleho le ho bona hore tšebetso ea tsona e maemong a matle.

'MARAKA

Khoebo e tsamaea hantle likhoebong tse peli tsa pele, empa haele ea tlhahiso ea liaparo, ha re e-s'o fumane 'maraka o moholo oo re ka rekisetsang likhoebo tse kholo. Hajoale ke roka le ho rekisetsa batho ka bo mong le ha ba li batla ka bong-a-

tlang.

LIKATLEHO LE LIQHOLOTSO

Haele ho fihlela hajoale liqholotso kannete li foko-la haholo, ke tse kang tsa hore ka nako e 'ngoe o tla fumana re sa sebetse hantle ka lebaka la maemo a teng a moruo o sa tsitsang hantle. E kholo ka ho fetisi-sa ke hore ke se ke atlehile ho fumantša bacha ba bane mosebetsi, 'me morero ke ho ba eketsa ha likhoebo tsena li ntse li hola. Le 'na ke lula ke hlahloba tšebet-so ea letsatsi le letsatsi ho bona hore mosebetsi o ntse o tsamaea hantle. Ke se ke atleha ho lefella litšenyelo tsa ka ka chelete eo likhoe-bo li e hlahisang.

TORO

Toro ea ka ke ho bona lik-

hoebo tsena tsa ka li holile ho feta mona li se li e-na le makala, li sebeletsa secha-ba se sengata e le hore re tsebe ho ba le phaello e tla re thusa hore ke hire bacha ba bangata. Morero oa ka o moholo ke ho ba le palo e ngata ea bacha ba sebet-sang le kholiso ea moruo oa naha ea habo rona.

KELETSO HO BACHA

Ke khothaletsa hore bacha ba nang le mangolo le ba nang le litsebo tsa bohla-le boo Morena Molimo a ba fileng, ba se ke ba lula feela, ha ba sa fumane mesebet-si. Ba sebelise litsebo tseo ba nang le tsona ho iqalla likhoebo tse nyenyane. Ba ikemisetse ho ithuta lintho tse ncha le ho sebetse ka thata. E kholo ka ho fetisisa ke hore ba be le mamello ha ba bona lintho li sa tsa-maee ka moo ba lakatsang ka teng. Ba tsebe hore le-hlokoana la bophelo le fu-manooa seretseng.



Mekhatlo e bubura litsiane



Nthabeleng Seithleko

Mongoli-Kakaretso oa Lesotho General Workers Trade Union (LGWTU), Bahlakoana Lebakae, o re o ngongorehile ke tlhekefetso e ntseng e tsoela pele khahlanong le basebetsi. A re mekhatlo e meng ea basebetsi e se e khohlile morerong oa eona oa mantlha ea ho sireletsa litokelo tsa basebetsi. Litaba tsena li hlahelletse 'mokeng oa bo-ralitaba, oa la 8 Phupu monongoaha.

Lebakae o re sepheo sa

mekhatlo ea basebetsi ke ho emela basebetsi, ho ba loanela meputso e ba loketseng, maemo a sireletsehileng a mosebetsi le toka, joaloka ha ho hlalositsoe ke melao ea naha le litumellano tsa Mokhatlo oa Machaba oa Basebetsi (ILO), ho kenyeletsa ILO Convention No. 87 e sireletsang tokoloho ea ho theha le ho kenela mekhatlo ea basebetsi, Convention No. 98 e sireletsang tokelo ea lipuisano pakeng tsa bahiri le basebetsi, hammoho le Convention No. 155 e buang ka polokeho le bophelo bo botle mosebetsing.

Leha ho le joalo, o re mekhatlo e meng e se e sire-

letsa bahiri ba hatikelang litokelo tsa basebetsi, ho e-na le ho sireletsa litho tsa eona."E mong le e mong o tseba seo a se tletseng mekhatlong, ke ka lebaka leo maeto a rona a sa tsoaneng." Ho boletse Lebakae.

O re bofuma le tlhokahalo ea mesebetsi li entse hore ba bang ba amohele tjojo, e leng se lumellang likhoebo tse ling, haholo tsa melata, ho tsoela pele ho hatikela litokelo tsa basebetsi ntle le kotlo. O re ho bubura chelete ea melata ho siha Basotho ba le tlokotsing mosebetsing eleng litaba tse seng monate.

Har'a litletlebo tse atileng, o thathamisitse

ho se lefshoe ha litsiane kamor'a ho emisoa kapa ho lelekoa mosebetsing, ho qobelloa ho sebetsa lihora tse eketsehileng ntle le tefo e loketseng, le ho haneloa litokelo tse sireletlitsoeng ke molao.

Lebakae o boetse a bontša hore Lekhotla la Tharollo ea Likhang tsa Basebetsi le imetsoe ke linyeoe tse ngata tse sa phethoang, ka lebaka la khaello ea basebetsi le lisebelisoa. O re sena se liehisa toka ho basebetsi ba hatelletsoeng.

A re Lekala la Khiroro le Basebetsi le ntse le tobane le khaello ea bahlahlobi ba mesebetsi le likoloi, e leng se etsang hore ho be thata ho

hlahloba likhoebo khafetsa ho netefatsa hore li latela melao ea basebetsi.

Lebakae o re Lesotho le ke ke la felisa tlhekefetso ea basebetsi, ha feela ho ntse ho na le batho ba amohelang chelete ho sireletsa bahiri ba tlolang molao, ha basebetsi ba Basotho bona ba ntse ba hlokofoa.

Ka lehlakoreng la 'muso, Letona la Khiroro le Basebetsi, Mohlompheli Tšelis Mokhosi o itse lekala la habo le sebetsa ho eket-sa palo ea bahlahlobi ba mesebetsi le ho matlafat-sa tšebetso ea melao ea basebetsi, e le ho netefat-sa hore litletlebo tsohle lia rarolloa le hore litokelo tsa basebetsi li'a sireletsoa.

NEW

WIDE FORMAT PRINTING

We offer durable, affordable & quick turnaround wide format prints. We can provide multiple options for indoors and outdoor applications - as well as produce any size you can imagine

FOR YOUR FUTURE WE CARE

Call or whats App: +266 28350815/ 22350224/ 68078124 (Whats app)

BANNERS

SIGNS

POSTERS

PRINTS

Mazenod PRINTING WORKS (Pty) Ltd

Prepare good People for The Lord

Beautiful Gate e matlafatsa boiketlo



Nthabeleng Seitlheko

Motlotlehi Mofumahali 'Masenate Mohato Seeiso o kopile Basotho ho tsetela boiketlong, tlhokomelong le kholisong ea bana. A re bokamoso ba naha bo itšetlehile ka tsela eo moloko o monyenyanane o holisoang le ho tšehetsoa ka eona.

O buile mantsoe ana nakong ea mokete oa lilemo tse 25 tsa lehae la Beautiful Gate Lesotho, moo a ileng a thoheletsa lehae lena ka boitelo ba oona ba ho ntlafatsa bophelo ba bana ba tlokotsing, malapa le sechaba ka kakaretso nakong ea lilemo tse 25.

O itse ngoana e mong le e mong o na le tokelo ea ho fumana tlhokomelo e nepahetseng, tšireletso le menyetla e mo thusang ho fihlela bokhoni ba hae bo felletseng. O hatelletse hore bana ba kajeno ke baetapele, litichere, litsebi tsa bophelo bo botle le baqapi ba hosane ba tla kenya letsoho ntlafatsong ea naha.

O thoholelitse Beautiful Gate Lesotho ka mananeo a eona a tšehetsang malapa, thuto, bophelo bo botle, tšehetso ea kelello le ntšetsopele ea litsebo. A re mehato e joalo e fa bana ba maemong a thata tšepo le monyetla oa ho aha bokamoso bo betere.

O boetse a re lilemo tse 25 tsa Beautiful Gate Lesotho li bontša bohlokoa ba tšebeliso lipakeng tsa sechaba, mekhatlo ea ntšetsopele le litsi tse fapakaneng ho aha bokamoso bo khanyang bakeng sa bana ba Baso-

tho.

Beautiful Gate Lesotho e ketekile lilemo tse 25 tsa tšebetso ea eona ka ho hlahloba leeto leo e le tsamaileng la ho sebeletsa bana ba tlokotsing le malapa, ha e boetse e tiisa boitlamo ba eona ba ho matlafatsa meloko e tlang ka tlhokomelo e akaretsang le ntšetsopele ea sechaba.

Letona la Bacha le Ntšetsopele ea Sechaba, Mohlomphehi Pitso Lesaoana, o itse tlhokomelo le tšireletso ea bana e lokela ho nkoa e le mosebetsi oa bohlokoa oa ntlafatso ea naha, eseng ketso ea mohau feela.

Lesaoana o itse bokamoso le katleho ea naha li itšetlehile ka bophelo bo botle ba bana, thuto ea bona le boiketlo ba bona ba maikutlo.

Letona le lebohile baseb-

etsi ba Beautiful Gate, baithaopi le balekane ba eona ka mosebetsi oo ba o entseng lilemong tse 25 tse fetileng ho hlokomela bana ba tlokotsing. O itse lipale tsa bophelo tse arolelanoeng moketeng oo li bontša boima le bohlokoa ba mosebetsi oa boiketlo ba sechaba.

Mookameli e Moholo oa Beautiful Gate Lesotho, Lindiwe Kili Kirstein, o hlalositse hore mokhatlo ona o qalile ka ntlo e hirileng e nang le likamore tse peli nakong ea seoa sa HIV/AIDS, moo o ileng oa amohela bana ba likhutsana ba supileng.

O itse bathehi Ray le Sue Hutchinson ba ile ba bula malapa a bona nakong eo malapa a mangata a neng a qhalana ka lebaka la mathata a amanang le HIV/AIDS.

Lilemo tse 25 hamorao,

Beautiful Gate e se e hlokometse bana ba 674 ka kotloloho, ha ba fetang 1 000 ba thusitsoe ka mananeo a sechaba. Bana ba 210 ba khutliselitsoe malapeng a bo bona a tlhaho, athe ba 309 ba fumane malapa a sa feleng ka ho nkeloa ka lapeng. "Pale ea rona ha e e-s'o be ka meaho kapa lipalo feela. E bile ka bana ba malapa, tšepo le bokamoso." Ho boletse Mofumahali Kirstein.

O hlalositse hore Beautiful Gate e se e tlohile haholo tlhokomelong ea bana litsing, 'me e shebane le ho mat-

lafatsa malapa le sechaba, kaha bana ba hola hantle haholo ha ba le malapeng a sireletsehileng a nang le lerato.

Beautiful Gate Lesotho ke lehae le sebetsanang le tlhokomelo ea bana ba likhutsana, ba lahliloeng le ba tlokotsing, haholo-holo ba anngoeng ke HIV/AIDS. Sepheo sa oona ke ho fana ka tlhokomelo e akaretsang e shebaneng le litlhoko tsa bana tsa 'mele, maikutlo, kelello le moea, hammoho le ho ba thusa ho fumana malapa a tsitsitseng le a sa feleng.



'Muso o tsoma maikutlo a sechaba

Nthabeleng Seitlheko

Lekala la Lichelete le Ntšetsopele ea Meralo le mema Basotho bohle ho fana ka maikutlo mabapi le moralo oa Leano la Letlole la Likotsi tsa Likoloi (MVAFP). Tsena li bile ka la 6 Phupu monongoaha.

Leano lena le reretsoe ho theha letlole le tla fana ka matšeliso ho batho ba tsoileng likotsi, kapa malapa a batho ba hlokaahalang likotsing tsa mebileng tse bakiloeng ke likoloi. Hape le tla ntlafatsa mokhoa oa hajoale oa matšeliso o thehiloeng tlas'a Motor Vehicle Insurance Order No. 26 ea 1989.

Ho ea ka Lekala, leano lena le tla matlafatsa puso e ntle,

le netefatse hore letlole le ba le lichelete tse tsitsitseng, le potlakise tefo ea matšeliso ka toka ho ba amehileng likotsing tsa mebileng, hammoho le ho khothaletsa mehato ea polokeho mebileng ka tšebeliso le balekane ba fapakaneng.

Lekala le mema mekhatlo ea 'muso, mekhatlo e ikemetseng, baemeli ba mekhatlo ea lipalangoang, babuelli ba molao, basebetsi ba bophelo bo botle, babuelli ba polokeho mebileng, balekane ba ntšetsopele, litsi tsa thuto, batho ba nang le bokooa, liphofu tsa likotsi tsa mebileng le sechaba ka kakaretso ho fana ka litlahiso le maikutlo a bona ka lengolo.

Lekala le re maikutlo a sechaba a tla thusa ho theha leano le tla arabela litl-

hoko tsa Basotho le ho ntlafatsa tsamaiso ea matšeliso bakeng sa liphofu tsa likotsi tsa mebileng.

Puisanong le Raliphatlatso oa Mokhatlo oa bahoebi ba likoloi tsa baeti, Lebohang Moea, o hlalositse hore leano lena o lumela hore le tlo tla ka ntlafalo, ho sireletsa litaaso hore ha li amehile likotsing li abelo toka ka nako. O re batho ba lieha

ho fumana matšeliso 'me o lumela hore ho tla thusa hore batho ba tsebe ho phe-la.

"Kahar'a Naha ea Lesotho ke bomali-mabe, batho ba lieha ho tšelisoa be ba nyahame." Ke moea eo. A re ba thoheletsa lekala ka ketso ena, ka le reng maikutlo a sechaba a tla ba thusa ho etsa liqeto ba kheme le linako.

Mazenod BOOK CENTRE 27 350 562 / 57396597 (whatsapp) bookcentre@mazenodprinting.co.ls

akello

SCHOOL BOOKS

now available on the Akello Online Library!

Here's how to access them:

1. Download the Akello Reading App.
2. Search for the book you want.
3. Purchase or subscribe online.
4. Download the book.

Enjoy reading offline anytime on the Akello App.

<https://library.akello.co/>

Khaello ea litichere ke qholotso

Nthabeleng Seitlheko

Le hoja thuto e le toke-lo ea motheo ea ngoana e mong le e mong, bana ba nang le bokooa ba St. Bernadette Resource Centre for the Blind ba ntse ba tobane le mathata a sitisang bokhoni ba bona ba ho ithuta, ho hola le ho fihlela litoro tsa bona. Tsena li hlalelletse ka la 3 Phupu monongoaha.

Khaello ea litichere tse khethehileng, lisebelisoa tsa ho ithuta, likamore tsa ho rutela le tšehetso ea bahlokomeli, ke tse ling tsa liqholotso tseo setsi sena se tobaneng le tsona, ha se ntse se leka ho fana ka thuto e loketseng bana ba sa boneng le bana ba nang le lithoko tse fapaneng.

Mosuo-Hlooho oa St. Bernadette Resource

Centre for the Blind, 'Mamoliehi Qamako, o hlalositse mathata ana nakong ea nehelano ea limpho tse neng li kenyeletsa; lieta tsa sekolo, lijo le lisebelisoa tsa bohloeki ho bana ba setsi sena.

Ketsahalo ena e ne e hlophisitsoe ke Shoeshoe ea Moshoeshoe Foundation ka tšebeliso 'moho le Avani Hotels and Resorts Lesotho nakong ea mokete oa Minor Foundations Day.

Qamako o itse setsi sena se tobane le mathata a nang a sa lebelloa ha se ne se thehoa, kaha palo ea bana ba hloka tšehetso e khethehileng e ntse e eketseha. "Re hloka litichere tse nang le koetliso e khethehileng le lisebelisoa tse tla thusa bana bana ho fumana thuto e lekanang. Ntle le tšehetso e hlokaahalang, ho ba thata ho fana ka thuto ea boleng." O boletse joalo.

O hlalositse hore setsi hajoale se ruta bana ba Sehlopha sa Pele le sa Bobeli feela, 'me ha ba qeta Sehlopha sa Bobeli ba fetela ho sa Mathomo sa St. Bernadette bakeng sa sehlopha sa boraro.

Leha ho le joalo, o itse phetoho ena e tlisa mathata, kaha bana ba bang ba fihla ba e-na le bokooa bo bongata bo kopaneng, athe setsi qalong se ne se etselitsoe bana ba sa boneng feela.

Taba ena ha se bothata ba St. Bernadette feela. Ho latela UNICEF, bana ba ka bang 240 milione ba phela le bokooa lefatšeng ka bophara, e leng hoo e ka bang 10% ea bana bohle lefatšeng. UNICEF e totobatsa hore bana bana ba kotsing e kholo ea ho qheleloa ka thoko litšebelatsong tsa bohlokoa tse kang thuto, bophelo bo botle le tšireletso.

Ho latela World Bank,

ho tsetela thutong e kenyeletsang bohle ke mohato oa bohlokoa ho fokotsa bofuma le ho fana bana menyetla ea ho kenya letsoho moruong le sechabeng.

Mathata a tobaneng le St. Bernadette a ama ka kotloloho Merero ea Ntšetsopele ea Moshoelella (SDGs).

SDG 3: Bophelo bo Botle le Boiketlo le eona e amana le bana ba nang le bokooa, kaha ba hloka tšehetso e khethehileng e ba thusang ho phela bophelo bo nang le seriti.

SDG 4: Thuto ea Boleng e ipiletsa hore bana bohle ba fumane thuto e kenyeletsang, e lekanang le ea boleng, ho sa tsotellehe bokooa kapa maemo a bona.

SDG 10: Ho Fokotsa o se Lekane, e khothalletsa ho felisa khethollo le ho netefatsa hore batho ba nang le bokooa ba fumana menyetla e tsoanang le ea ba bang.

Ha Lesotho le sebetsa ho fihlela li-SDGs pele ho selemo sa 2030, matsete ho bana ba nang le bokooa a lokela ho ba karolo ea merero ea naha, eseng taba e tloheloang mekhatlong feela.

Qamako o kopile tšehetso ho Shoeshoe ea Moshoeshoe Foundation le ho bohle ba lakatsang ho thusa. A re bana bana ba hloka menyetla eseng kutloelo-bohloko feela.

E mong oa batsoali, Mamolemohi Ramakatsa, o lebohile tšehetso e fanoeng. A re e file bana le batsoali maikutlo a hore ba bohlokoa sechabeng. O ipilelitse ho Basotho hore ba qobe mantsoe a nyefolang batho ba nang le bokooa, kaha puo e ka haha kapa ea senya seriti sa motho. "Bana ba nang le bokooa ke bana pele ho tsohle. Ba hloka lerato, tlhompho, thuto le menyetla e tsoanang." O boletse joalo.



Mazenod Tailoring
Prepare good People for The Lord

tailoring@mazenodprinting.co.ls

22 350 224
+266 50757585

**Transforming your image
is our Passion**

Readily available







CRROA e hlahisa motšoarua

ho bacha ba tlakotsing, ho ba abela peo ea meroho le hoba khothaletsa lirapa tsa

fetileng, 'me o ikanne hore a ke ke a hlola a kenella botlokotsebung. O khothaleli-

litšebeliso tsa bophelo bo botle, empa ba tlameha ho tsamaea sebaka se selelele ho ea fumana kalafo. O boetse a supa mathata a litsela le meralo ea bolulo e sa hlophisehang hammoho le khaello ea mabone mebileng.

Ka lehlakoreng la Setsi ea Tlhabollo ea Batšoarua, Sgt. Thabo Tšehlo o itse e 'ngoe ea liphephetso tse kholo tseo ba li bonang har'a batšoarua ke boemo bo tlaase ba thuto, kaha ba bangata ha ba batle ho khutlela sekolong leha menyetla e le teng.

O boetse o khothalelitse banna le sechaba ka kakaretso ho laola khalefo. A re khalefo e sa laoleheng hangata e baka tšenyho malapeng le metseng. Ho feta

moo, o itse tšebeliso ea lithetefatsi, sesosa se sehoho tsa botlokotsebe.

H'a bua lebitsong la Mahokela, Tale Selai, o itse Motimposo e ntse e tobane le mathata a mangata a tšireletso, ka hona ho ile ha tšoarua kopano ena ho matlafatsa tšebeliso-'moho li-pakeng tsa baahi, mapolesa le ba amehang ho loantša botlokotsebe.

Kopano ena e ile ea kopanya baahi ba Motimposo, baetapele ba sechaba, baemeli ba CRROA, Setsi sa Tlhabollo ea Batšoarua le balekane ba bang, ba ileng ba tiisa bohlokoa ba tokiso ea boitšoarua, tšoarelo le tšehetso ea sechaba ho thusa batho ba tsoang lichankaneng ho qala bophelo bo bocha ka katleho.

Tšeliso Thakholi

Mokhatlo oa Crime Prevention, Rehabilitation and Reintegration of Ex-Offenders Association (CRROA) o kopantse hape motšoarua oa mehleng ea qetileng nako e telele chankaneng le sechaba sa Motimposo, ka kopano e neng e reretsoe ho khothaletsa tokiso ea boitšoarua, poelano le kamohelo ea batho ba lokolotsoeng lichankaneng. Tsena li bile ka la 5 Phupu monongoaha.

Setho sa Paramente sa Lebatooa la Stadium Area 'Mampho Tjabane, o re sepheo sa hae ke ho sireletsa bacha hore ba se ke ba kenella botlokotsebung ka ho ba fa menyetla ea lipapali le thuto.

O itse ho tloha ka la 17 ho isa la 19 Phupu ho tla tšoarua tlholisano ea bolo ea maoto ea bana ba ka tlaase ho lilemo tse 17 ba tsoang likarolong tse fapaneng tsa lebatooa, ha banana bona ba tla nka karolo papaling ea bolo ea matsoho.

O boetse a re ho reriloa ho fana ka koetliso ea litsebo



malapa, hammoho le lithuto tsa Bible tse reretsoeng ho ruta bacha boitšoarua bo botle.

Mookameli e Moholo oa CRROA, Nkalimeng Mothobi, o itse batho ba tsoang lichankaneng ba lakatsa ho fuoa monyetla oa bobeli, hore ba tsebe ho aha bophelo ba bona bocha.

O hlalositse hore sepheo sa kopano e ne e le ho fa motšoarua oa mehleng monyetla oa ho kopa tšoarelo sechabeng le ho Morena oa Motimposo, e le hore a amoheloe hape e le setho sa sechaba.

Mothobi o itse motho eo o bontšitse ho soabela liketso tsa hae tsa nakong e

tse sechaba ho tšehetsa batho ba fetotseng bophelo ba bona, kaha kamohelo ea bona e thusa ho fokotsa ho khutlela botlokotsebung.

Morena oa Motimposo, Leloko Theko, o bontšitse ho khathatseha ka lebaka la sekhahla se phahameng sa botlokotsebe sebakeng seo. A re lipalo li bontša hore hoo e ka bang 80% ea batšoarua ba ka Setsing sa Tlhabollo ba tsoa Motimposo. O itse sebaka sena se ntse se salletse morao ka ntšetsopele, e bile se tobane le mathata a mangata.

Morena o boetse a ipiletsa hore ho ahoe setsi sa bophelo sebakeng seo, hobane batho ba bangata ba hloka



Tšebeliso ea lithetefatsi ke sesosa

Nthabeleng Seithleko

Litlolo tsa molao tsa thobalano li ntse li etella pele har'a botlokotsebe bo atileng Lesotho, ha tšebeliso e mpe ea lithetefatsi le joala, lipeto le lipolao le tsona li phahamisa sekhahla sa botlokotsebe kahar'a naha.

Sena se boletsoe ke Ofisiri e Kholo ea Tso-soloso ea Batšoarua ho hlaha Setsing sa Tlhabollo ea Batšoarua (LCS), Lehlohonolo Kotelo, ka la 5 Phupu monongoaha, nakong ea kopano ea thibelo ea botlokotsebe e neng e tšoaretsoe Motimposo, moo baetapele ba sechaba, mapolesa le liofisiri tsa tso-soloso ba ileng ba buisana ka mathata a tobaneng le sechaba le mekhoha ea ho a fokotsa.

Kotelo o hlalositse hore setsi sa tso-soloso

ea batšoarua ke mohato oa ho qetela oa ho lokisa litloli tsa molao. O itse ha motšoarua a fihla setsing o fuoa likeletso, boitšoarua ba hae boa hlahlojoa, ebe o lokisetsoa ho khutlela sechabeng e le moahi ea molemo.

O re batšoarua ba bangata ba ipolela hore ba ile ba etsa litlolo tsa molao ba susumelitsoe ke tšebeliso e mpe ea lithetefatsi le joala.

A tsoela pele ho re litlolo tsa molao tsa thobalano ke tsona tse atileng haholo, 'me ho ntse ho batlisoa mabaka a etsang hore linyeoe tsena li eketsehe.

O ipilelitse ho batsoali le bahlokomeli hore ba sireletse bana, kaha ke bona baetapele ba kamoso. A supa hore tliekefetso ea thobalano e senya bokamoso ba bona. O boetse a khothaletsa malapa ho holisetsa bana tikolohong e sireletsehileng, e nang le lerato, ba qobe likhohlano ka malapeng.

Kotelo o boetse a re linyeoe tsa lipolao lia eketseha, a khothaletsa Basotho ho rarolla likhohlano ka khotso ho e-na le ho khakhathana.

Ka lehlakoreng le leng Mohlahlobi Mateele Mote oa Child and Gender Protection Unit (CGPU) Ha Mabote, o bontšitse a tšoenyehile ke batsoali ba tlohelang bana ba banyenyane ba le bang malapeng, kaha hoo ho ba beha tlakotsing ea likotsi tse kang ho khangoa ke metsi, likotsi tse ling le tliekefetso ka thobalano.

O hopolitse batsoali hore ke tlolo ea molao ho siea bana ba banyenyane ba le bang malapeng. A re ho bohlokoa hore tlhokomelo ea bana e arolelanoe ka ho lekana ke bo-'mè le bo-ntate.

Mote o boetse a khothaletsa batsoali ho isa bana sekolong. A re 'muso o se o kentse tšebetsong leano la thuto ea mahala. O boetse a khothaletsa sechaba ho tlaheha liket-

so tsohle tsa botlokotsebe mapoleseng.

A re tliekefetso ka malapeng e ama bana haholo, a khothaletsa bana ho bua ha ba hlekefetsoa le ho tlaheha liketsahalo tseo ho batho ba baholo, marena le mapolesa.

Molula-Setulo oa Mahokela a Motimposo, Habofanoe Letsie, o re likomiti tsohle tsa Mahokela li sebetsa tlas'a molao o le mong, 'me li tšoaentse ho sebetsa 'moho le mapolesa le sechaba ho thibela botlokotsebe.

O hlalositse hore moahi e mong le e mong ea lilemo li 18 ho ea holimo

o nkoa e le karolo ea mahokela. A re likomiti tsena li na le boikarabelo ba ho matlafatsa tšebeliso-'moho pakeng tsa sechaba le mapolesa, ho khothaletsa bacha ho kenya letsoho thibelong ea botlokotsebe le ho tšoara likopano tsa sechaba khafetsa, ho buisana ka mathata a hlahang le ho felisa menyenyeletsi.

Qetellong Letsie o hopolitse beng ba libaka tse rekisang joala hore ba latele lihora tse behiloeng ke molao tsa khoebo. A re ho hlompha melao ena ho tla thusa ho fokotsa botlokotsebe metseng.

ESTATE NOTICE

Notice is hereby given in terms of section 61(b) of the Administration of Estates and Inheritance Act No.2 of 2024; **Estate Late MAHLOMOLA MOTOKOA EF/96/2026**

Notice is hereby given in terms of section 61(b) of the Administration of Estates and Inheritance Act No.2 of 2024; calling upon all creditors of the deceased to lodge their claims with the administration of the deceased's estate within thirty (30) days of this publication.

The address at which the said claims can be lodged is mentioned hereunder;

NAME: MAJOELE MOTOKOA
ADDRESS: MAPHOHLOANE
MOHALE'S HOEK
(+266) 58694396



TSA KEREKE

Amerika e tlotla Rabalumeli

Tšeliso Thakholi

Setsi sa molao oa Motheo sa Amerika se nehelane ka mpho ea Khau ea Tokoloho ho Mopapa Francis tšebeletsong e bileng Philadelphia, USA, mafelong a beke e sa tsoa feta, moo a ileng a khotaletsa Naha ea Amerika ho nchafatsa boitlamo ba eona bo khethehileng ho batho ba ikemiselitseng ho ntšet-sa pele tokoloho ea bolumeli le Litokelo tsa Mantlha tsa

motheo, 'me tlhokomelo ea ona ke ea bophelo ba motho." A rialo.

Rabalumeli a re tokelo ea bophelo e ka holimo ho litokelo tsohle, kaha tokelo ea pele e ileng ea fanoa ke bathehi ba Naha ea Amerika e le ea bophelo ba sechaba. A tiisa hore ha hona motho ea amohetseng bophelo ea ka natefeloang ke ho hloka thabo. A khotaletsa baetsi ba molao le baahi ho sireletsa hlompheo e tebileng ea bophelo, ho tloha nakong ea bokhachane ho isa lefung.

A re matla a sechaba a

ka. A supa hore tokoloho ea bolumeli e lumella motho ka mong ho latela letsoalo la hae, a sa qobellosa le ho khotaletsa lipuisano tsa khotso lipakeng tsa lihlopha tse fapakaneng tsa bolumeli.

A phethela ka hore bonngoe ba 'nete ba sechaba ha bo'a ahoa ka lipolelo tsa nakoana, empa bo itšetlehile holim'a linnete tsa motho ka mong. A rapella hore sehopotso sa bo-250 sa boipuso ba naha, e ke e be boitlamo bo tebileng bo tsoang molaong oa motheo ba ho boloka



Botho lefatšeng ka bophara.

H'a amohela mpho ena, Rabalumeli o tlaehoa a ile a hopola ka botebo likamano tsa hae le naha ea habo ea Amerika, le molao oa motheo oa eona oa nako e telele o ileng oa theha sechaba sa Ma-Amerika. O ile a kopela Naha ea Amerika lithoholofatso le bokamoso bo chabileng ho Morena Molimo. A boela a rapella hore mehopolo le maikutlo a hlaisitsoeng phatlalatsong ea ho tla keteka sehopotso sa boipuso a ke a tsoele pele ho tataisa sechaba "ka bonngoe, toka le khotso."

A thoholetsa polelo e phatlalalitsoeng ea ketekelo ea boipuso ea hore batho bohle ba bopiloe ba lekana, ebile ba e-na le litokelo tse itseng tseo ba ke keng ba li a mohuo tse kenyeletsang har'a tse ling tokelo ea ho phela, tokoloho le ho phela ka thabo. A re melao ea motheo e itšetlehile ka kutloisiso ea Mangolo a Halalelang, e reng motho ka mong o bopiloe ka ho tsoana le Morena Molimo. "Ke hona mo re fumanang seriti le tlhompheho ea motho molaong ofe kapa ofe oa

bonahala hantle ka ho sireletsa le ho baballa bophelo ba batho bohle. A thoholetsa mekhoha le meetlo ea Amerika ea ho baballa bolumeli, e leng tšireletso ea pele e fumanoang phetohong ea Molao oa Motheo oa Ameri-

seriti sa motho, teka-tekano le tokoloho tse bopiloeeng ke Amerika ho tloha sethathong ho bathehi ba eona.

-Catholic
News Agency-

Thapelo ea Basotho

'Mopi, Hlahlamacholo, Ramaseli, Rammoloki Atla li maroba, Atla li marotholi a pula, Atla li tšoeu tsa Rammoloki, Li tšoeu ke ho bopa masea, Hobane bohle re 'mopo le mosebetsi oa matsoho a ona. Hlahlamacholo hlahla metsi o'a etse keleli ea sehla sa Mariha, Hobane ka keleli u nchafatsa lichaba teng, Lichaba li tsoang ho uena 'mopong, Li tlang ho boela ho uena meahong. Ba meolimeololo, ba lumang lingope ho theleha. Ntšang tšoeu le nehe 'Mopi le tle le bone ha 'Mopi o thaba, Hobane Baholo-Balimo bona ba thabela likhalapa. Ba re ho be ho soeu, ho be malola, Ho be hele-hele pele le morao. Ho iloe kae ke Bo-ntate-moholo le Bo-nkhono ho sa keng ho khutloa, Ho iloe ha sekoti ha se tlae. 'Maakane joo! Ka 'Mopi ra le bona.

'Mopi oa Ramosholu-shololo litsohali Bo-nkhono ke bana ba labalabela matlala. Matlala b'a bona ka'ng a anetse, b'a bona ka ho theha mekhanya liphatleng tsa bona. Malatiana-tsela ngoana Rae e moholo ke mang, pitsana ha e na khobe, le e 'ngoe ha e na khobe. Qhaqholla u re qiti! Moshanyan'a sankatana le kholumo-lumo. Ho iloe kae ke bo-Mmabana, ba ile masimong.

Ba siile masea ka liotloaneng. Liotloana tseo ha li hole li sireletse masea. Ka bona Bo-ntate-moholo le Bo-nkhono ba lutse ka shoalane mollong le litlohotloholoana tsa bona ba li etsetsa litšomo tse monate;

Bo-limo le Tselane ka ba ka utloa ha ba ba etsetsa lilothe tse monate; bo-mmenthele o hlotse baruti.

Leseli! Khanya!

2025-2026 SELEMO A

SONTAHA SA 15 HAR'A SELEMO



Isaia 55:10-11
Pesalema 64
Ba-Roma 8:18-23
Matheus 13:1-23

Khothatso



Mojali

Sontaha sa kajeno se re hopotsang papiso ea mojali se ka bitsoa Sontaha sa Bibe. Efela Morena oa rona Jesu Kriste o re hlalose tsa papiso ena ea hae ka ho re: Peo e jaloang ke mojali ke lentsoe la Molimo. Re tseba hore lentsoe la Molimo le ngotsoe Bibeleng. Mehlang ea khale Morena Molimo o n'a bua le batho ka baprofeta, 'me libuka tsa baprofeta li fumanoea Bibeleng. Empa, hamorao, Molimo o ile a romela Mora oa hae lefatšeng, ke eena ka sebele lentsoe le phelang la Molimo har'a rona.

H'a hlolosa papiso ea hae, Jesu o bua ka batho ba mofuta e 'meli: ba utloang lentsoe ba sa le utloisise, le ba utloang lentsoe ebile ba le utloisise. Sehlopha sa pele ka sa batho ba talimang Bibe e le buka e tsoanang le libuka tse ling tse iqapetseng ke batho, e kholo ho feta tse ling tse ngata, e tletseng litaba tsa histori ea batho ba khale feela. Athe sehlopha sa bobeli ke sa batho ba nkang Bibe e le buka e sa tsoanang le tse ling ho hang, hobane ke buka e ngotsoeng ke Molimo e seng ke batho, ke buka ea histori ea rona, e seng ea batho ba khale feela, ke buka ea bophelo, ke hore buka e tletseng likeletso tsa bohlokoa hore motho a atlehe bophelong ba hae.

Ba sehlopha sa pele ba na le buka ea Bibe le ka lapeng, e le mpho eo ba ileng ba e fua ke metsoalle, kapa ba itheketsa eona ha ba utloa hore ke buka ea bohlokoa. Mohlomong ha ba e-s'o e phetle le ka mohlala, mohlomong ba lekile ho e bala, empa kapele-pele ba ile ba khathala matla ka ho bona hore ha se buka e monate, hobane e telele ebile e thata.

Ba sehlopha sa bobeli ba sebelisa Bibe, haholo Tastamente e Ncha, joaloka buka ea bona ea thapelo kapa ea lifela. Ba sitoa ho phela ba se na eona, hobane ke buka e fepang meea ea bona ka tsatsi le leng le leng, ke buka e ba bolellang seo ba lokelang ho se etsa. Ho hang, ho bona ha se buka ea histori, ke buka ea bophelo, bophelo ba meea ea bona, bophelo ba bona lefatšeng lena, e ba isang bophelong bo sa feleng.

H'a tsoele pele ho hlosa papiso ena, Jesu o re: peo ke lentsoe la Molimo. Lentsoe la Molimo le sebetsa joaloka ka peo. Peo ke hliku e fokolang ka boeona, e behang litholoana tse ngata ha e baballoa hantle. Hore e atlehe, peo e hloka mobu o motle, mongobo oa pula le mofuthu oa letsatsi. Hape e hloka ho sireletsoa hore e se ke ea jeoa ke linonyana, e se ke ea utsuoa ke masholu, ea chesoa ke letsatsi kapa ea bipetsoa ke lehola. Ho feta moo, peo e lokela ho shoa ka mobung, e tle e fane ka bophelo bo bocha bo bongata ho feta ba eona. Peo ha e sa shoe ka mobung e sala e inotši, athe ha e-shoa e tla mela, e behe litholoana tse ngata.

Joale, bakriste ba bang ke bakrista ka lebitso feela; ba amohetse Molimo joaloka ba bang; ba ile ba hlatsua, ba amohela sakramente ea Tiiso, ba etsa kamohelo ea pele, ba ithuta katekisisa sekolong, ba ba ba e tseba ka hlooho; Ba kena kereke ka Sontaha se seng le se seng 'me ba utloa lentsoe la Molimo ha le baloa le ha le hlaloso, empa ka baka la ho hloka kutloisiso, lentsoe lena la Molimo ha le etse letho bophelong ba bona.

Ha re botsa lebaka, Jesu o re hlalose tsa hore mabaka a mangata a sa tsoanang. Peo eona e ntle, feela batho ba e amohelang ba e amohela hampe. Peo e oelang tseleng, mekurutloaneng kapa meutloeng e ke ke ea atleha, hobane lira tsa eona li ngata. Lentsoe la Molimo le ka senngoa ke metsoalle e mebe, e rutang thuto e fosahetseng 'me e fanang ka mehlala e mebe, kapa ka metouto ea lefatše le lithetso tsa maruo, kapa ke mathata a bophelo.

Empa sehlopha se seng se teng sa bakriste ba 'nete; bona ba amohetse peo ea lentsoe la Molimo mobung o motle, ke hore ka moea o motle. Ba ile ba thusoa ke batsoali ba lokileng le lithetso tsa boithatelo bo botle le metsoalle ea 'nete ke hore bathusi ba ba rutileng hore lentsoe la Molimo ke lentsoe la bophelo, ke leseli le bonesetsang tsela ea bophelo, ke mofao oa tsela, ke letsoai le sireletsang 'me le natefisang bophelo ba bona, ke tomoso e lomosang liketso tsohle tsa bona.

E mong le e mong oa rona a ke a ipotse hore na o eme kae? O sehlopheng sefe? O sitisoa ke linonyana, majoe a tseleng kapa meutloa? Leha karabo ea rona e ka ba efe kapa efe, re se ke ra lahla tšepo, hobane ho fapana le peo e sitoang ho etsa letho ha e oetse mukurutloaneng kapa tseleng, rona, ka bolokolohi ba rona, re ka sokoloha, re ka qala ho utloisisa lentsoe, ho le amohela hantle, ho le atlehisa ka ho le holisa bophelong ba rona.

A re ithapelleng ke hona, bohle, hore lentsoe la Molimo le hole ka ho rona, 'me le behe litholoana tse ngata ho feta pele.

Bahalaleli har'a Beke

13	Phupu	Henry
14	Phupu	Justus
15	Phupu	Egino
16	Phupu	Carmen
17	Phupu	Cynllo
18	Phupu	Pambo

Alliance Challenge Tourney e'a kokota

Tšeliso Thakholi

Lihlopha tsa Liki e Kholo tse 'ne tse tšehetsoang ke Kampani ea Alliance e leng Matlama, Lioli, LCS le Linare, li tla ntšana bothaka litholisanong tsa selemo le selemo tsa Mohope oa Alliance Challenge Tournament tse tliil'o bapalloa Lebaleng la Setso-to, Maseru, ka la 1 Loetse monongoaha moo mohloli a le mong a tlang ho kiba-kiba ka chelete e kaalo ka M100,000.00 bakeng sa ho ithophela lipapali tsa liki.

Litholisoano tsena li tla hlekoloa sebae ke tsa bolo ea maoto ea basali e leng Berea Ladies, Linare Ladies, Matlama Ladies le LCS Ladies ka la 25 Phato monongoaha lebaleng le tlang ho khethoa hamorao. Mohloli o tla ikhapela mohope le limentele tsa Khautu, bobeling e be limentele tsa Silivera ha borarong e tla ba limentele tsa Bronze. Morero oa Kampani ea Alliance oa ho kenyeletsa lihlopha tse kholo tsa basali o qalile ngoahola e le ho mat-

lafatsa le ho holisa bolo ea basali kahar'a naha.

Mohloli ea sireletsang sekola ke Lioli, 'me ha li qala li thakhoha e tliil'o koebana le Linare, ebe Matlama e nkana lekhara-khara le LCS. Lihlopha tse peli tse tla hlo-la li tla fetela ho makhao-la-khang ka lona letsatsi le tšoanang, ha tse tla hloloa li tla bapala ho tseka mae-mo a boraro le a bone. Ha

hona lihlopha tse tla ekeletsoa nako ha libapatse ka ho lekana, empa lihlopha tsohle li tla ea ka kotloloho thahong ea mekoko.

Barati le batšehetsi ba sehlopha sa bolo ea maoto sa Lioli ba boletse hore ba motlotlo haholo ke tšehetso ea Alliance ho lihlopha tse kholo tse liki, 'me ba ikutloa ba thabile haholo ha litholisoano tsena li boetse li ntse

li tsoela pele le selemong sena le tlasa maemo a temang a moruo lefatše ka bophara. Ba re litholisoano tsena li ba tlišetsa thabo haholo karolo e kholo ea barati ba bolo ea maoto. "Ke takatso ea rona re le batšehetsi ho lula le rona re ntse re kenya letsoho ho tšehetsa Alliance, e le hore le eona e tle e 'ne e tsebe ho tsoela pele ka mosebetsi

ona oa eona, oa ho matlafatsa papali ea bolo kahare ho naha." Ba rialo.

Ba qetella ka hore ke ntho e thabisang haholo ho bona borakhoebobona ba Naha ea Lesotho ba tsetela kholong ea libapali kahare ho naha. Ba re sena empe ebe qholotso ho borakhoebobona bang hore le bona ba bone bohlokoa ba ho holisa papali ea bolo ea maoto.



Fothoane o tekena le Lijabatho

Tšeliso Thakholi

Kamor'a ho khutlela hae ho tsoa Naheng ea Botswana moo a neng a bapalla sehlopha sa Liki e Kholo sa Township Rollers, sebakali sa nako e telele sa Bantu ebile e le sebakali sa sehlopha sa naha, Lehlohonolo 'Maestro' Fothoane o tekenne le sehlopha sa Lijabatho se ntseng se le boitokisong bo matla ba lipapali tsa machaba tsa Mohope oa CAF Champions League tse tlang ho qala ka la 4 kapa la 6 Loetse monongoaha.

Sehlopha sa Township Rollers se tlalehoa se ile sa khaola maqhama a tšebetso le Fothoane pele lipapali tsa Liki e Kholo li fela, se bile se e-s'o lefe sehlopha sa Bantu chelete e hakanyetsoang ho M120,700.00, eo se neng se rekile sebakali sena ka eona. Pelaelo ke hore Township Rollers e se e rekiselitse Lijabatho sebakali sena, kaha se saka sa re letho ho bona nakong eo se eang ho Lijabatho hoba se tlohlile hae e ntse e le sebakali sa Bantu.

Leha ho le joalo, Bantu e tlalehoa e lokollotse se-



bakali sena ho ea iphatela motsuntsunyane etsoe le konteraka ea hae e ne e se e fihlile pheletsong, empa ka tsamaiso e nepahetseng o ne a tšoanela hore ebe o ile a lokolloa ke Bantu ho ea

ho Lijabatho. Litaba li se li sallane le Township Rollers tsa ho lefa mokoloto.

E se e le libapali tse 'maloa tse matla haholo tse furallang sehlopha sa Bantu, 'me li siea likheo tse kho-

lo kahare ho sehlopha seo, 'me Lefapha la Bokoetlisi le lokela ho tsoa ka makhalo ho sa khanya ho ea tsoma ba tlang ho thusa sehlopha ha selemo se secha sa lipapali se qala. Fothoane ke e

mong oa libapali tse matla tse nang le boiphihlelo bo boholo papaling ea bolo ea maoto, eo e neng e le eena mokokotlo oa sehlopha sa Bantu.

Lijabatho e boetse e matlafalitse sehlopha sa eona ka libapali tse kang Motlati Sebakali ho tsoa sehlopheng sa Bantu, ea boela ea tekena tumellano ea ho kalimana ka 'mapala-morao ea kotsi haholo ho Bantu e leng Tšepo Monyane. Joalokaha e ka ha hoa lekana ea boetse ea tekena Motlomelo Mkwanazi ho tsoa ho Bantu, kamor'a hore konteraka ea hae e fihle pheletsong ka Phupjane monongoaha. Ea tekena hape sebakali sa mehleng sa Linare e leng Tšhegofatso Mothibe.

Ka holimo ho tsohle sebakali sehloahloa sa Lijabatho Bokang Sello o nchafalitse konteraka ea hae le sehlopha, 'me sena se tliil'o matlafatsa boitokiso ba Lijabatho haholo, kaha Sello e le e mong oa libapali tse seng li e-na le litsebo tse batsi bakeng sa ho bapala lipapali tsa machaba. Ha Lijabatho e ntse e tsoela pele ho imatlafatsa le ho ithophela lipapali tsa CAF Champions League, e khethile mokoetlisi oa mehleng oa LMPS 'Semonye' Monghali Tiisetso Moletse ho ba motlati oa mokoetlisi.

Lesotho le emetsoe machabeng

Tšeliso Thakholi

Naha ea Lesotho e tlii'o emeloa lipapaling tsa bo-23 tsa li Commonwealth ka lihlopha tse peli feela, e leng tsa mabelo le

tse 74 lefatše ka bophara li tlii'o tsoareloa Glasgow, Scotland, ka la 23 Phupu ho isa la 2 Phato monongoaha. Sehlopha sa naha sa papali ea litebele se bopiloe ka bahlankana ba nang le boiphihlelo papaling ena, e leng Mathealira Sehloholo boimeng ba 55kg, Toka Litabe 60kg, Pooana Kho-

Realeboha Segoete 60kg. Bakoetlisi ba tla be ba beile sehlopha sena leihlo ke Thabiso Nketu le Tieho Ntulo. Haele ka mabelong likhalala tse tlang ho emela Naha ea Lesotho ka ho baroetsana ke 'Mamakoli Senauoana eo boithlhopo ba hae bo leng lebelong la

lia Nalane ka 100m le 200m le Nthabiseng Lekotoko ka 5000m le 10000m. Athe ka ho bahlankana ke Kamohelo Mofolo ka 5000m le 10000m, Kente Mokheseng ka 200m le 400m. Mokhethoa ona oa limathi tsa mabelo a makhutšoanyane o tla be o le tlas'a bokoetlisi bohloahloa ba Samuel Khalane.

Lihlopha tsena tsa Lesotho ka bobeli, li bile le boitokiso bo matla haholo bakeng sa lipapali tsa li Commonwealth, kaha ba papali ea litebele ba bile Profensing e ipabolang haholo ka papali ea litebele ea Eastern Cape, Naheng ea Afrika Boroa lipapaling tsa machaba tsa setsoalle. Ha ba mabelo bona ba bile Naheng ea Botswana ka morero o tsoanang oa ho ithlhopela lipapali tsena. Lihlopha tsena li boetse tsa eba le lipapali tse ling tse ngata tsa setsoalle kahar'a naha.

Ka lebaka la maemo a moruo lefatše ka bophara palo ea lipapali tsa li Commonwealth monongoaha e fokolitsoe, 'me linaha tse ngata li tlii'o hapa likhau ka mokhoa o seng bonolo ha-

holo joaloka nako e fetileng. Har'a tse ling tsa lipapali tse fokolitsoeng ke Table Tennis, Cricket, Hockey, Badminton, Beach Volleyball le tse ling. Ke lipapali tse leshome feela tse seng li tlii'o bapaloa selemong sena, tsona ke; Basketball, Litebele, Track Cycling, Judo, Swimming, Lawn Bowls, Netball, Weightlifting, Mabelo le Artistic Gymnastic. Lipapali tsena li kenyelelitse le tsa batho ba nang le bokooa ba pono le ba masapo tsa mabelo le tsa Wheelchair Basketball.

Naha e ntseng e li hula pele ka ho hapa likhau tse ngata lipapaling tsa li Commonwealth ke Australia ka likhau tse 1003, bobeling ke England ka tse supileng borarong ke Canada ha boneng e le India. Linaheng tsa Afrika e ka holimo ke Nigeria e maemong a bosupa ka likhau tse 34, e hlahlangoa ke Afrika Boroa ka likhau tse 27. Haele Naha ea Lesotho ha ena le ha e se e le khau e le 'ngoe feela hobane ka mehla e fetoha ntetekeng hae fihla machabeng. E be monongoaha e tla sebetse joang? Che, re se re tla boka ha li oroha!



litebele, ka kakaretso ea lipapali tse 14. Lipapali tsena tse kenetsoeng ke linaha

ahli 65kg le Refiloe Thai 70kg. Ka ho baroetsana ke Rapelang Masilela 57kg le

bolelele ba 200m le 400m, 'Manqabang Tsibela lebelong la 500m le 800m, Ma-

LNOC e bontša boiphihlelo



Tšeliso Thakholi

Mokhatlo oa Li-komiti tsa Li-olympic tsa Linaha tsa Afrika(ANOCA) o thontse litho tse tharo tsa batsamaisi ba Mokhatlo oa Lesotho oa Li-olympic(LNOC), Benghali Letsatsi Ntsibolane, Morake Raleaka le Mofumahali 'Matlohang Moiloa-Ramoqopo, hoba kahare ho likomiti tse kholo tsa tsamaiso tsa Komiti ea Phethahatso ea ANOCA.

Monghali Letsatsi Ntsibolane eo e leng President ea LNOC, ka lebaka la boipabolo le boiphihlelo tšebetsong ea hae, o khethetsoe hoba Motlatsi oa Molula-Setulo oa Komisi ea Meetlo le

Thuto kahar'a Mokhatlo oa Linaha tsa Afrika oa ANOCA. Pele a khetheloa hoba President ea LNOC o hlile a ipabola haholo nakong eo e neng e le motsamaisi oa Lesotho Olympic Academy (LOA), e leng eona e shebaneng le ho fana ka botebo mabapi le thuto ka litaba tsa liolympic.

President ea mehleng ea LNOC, Mofumahali 'Matlohang Moiloa-Ramoqopo eo ho latela molao oa motheo oa LNOC e ntseng e le setho se matla sa boto ea Komiti e Kholo ea LNOC, o khethetsoe kahar'a Komisi ea ANOCA ea Tekano, Tekatekano le Lipalo-palo ka Mefuta. Haele Mongoli-Kakaretso oa LNOC Monghali Morake Raleaka eena o khethetsoe kahar'a Komisi

ea Lipapatso ea ANOCA. Sena se bontša boiphihlelo bo boholo ba likakapa tsena tsa Naha ea Lesotho.

Ke sesupo sa hore Naha ea Lesotho e-na le litsebo tse khethelileng, tseo e ipabolang ho tsona tsamaisong ea lipapali tikolohong ea Afrika. Se bonahalang e ka se senyenyanane seo LNOC e ntseng e se etsa kahar'a naha, se ba sehlo le hoba bohlokoa haholo ho mekhatlo e meholo e ikarabellang litabeng tsa lipapali Afrika. Ke ka lebaka lena Lesotho ka lisebelisoa tse fokolang tseo le nang le tsona, le ntseng le etsa moseb-

etsi o motle ho feta linaha tse khorang tsa Afrika.

Ho ea ka Raliphatlatlatso



oa LNOC, Monghali Pulu-

mo Nchakha khetho ena ea litho tsa tsamaiso ea LNOC ke tlotla e kholo ho bona le ho sechaba sa Basotho ka kakaretso, kaha e bontša khatelo-pele lintlheng tse



'maloa tse kang thuto ka mokhatlo le maano a liolympic, thekising le ho bapatsa lipapali, tekano, teka-tekano le lipalo-palo ka mefuta, "ho latela hore ba thonyelitsoe moo ka litsebo tsa bona tse fapakaneng."

A re ba ikutloa ba le motlotlo hore ebe LNOC ena le litho tse kholo tsa tsamaiso tse khetheloang kahare ho ANOCA, "Sena se bontša hore re le naha e hlile rena le maputolo ao re ntseng re a etsa hobane batho ha ba khethoe feela ba khethoa ho latela makhabane le litsebo tsa bona." A ba lakaletsa katleho le mahlohonolo mosebetsing oa bona.